



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 44. Nestorii Relata ad Imperatorem.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

*ta, Imperatori tradenda, non misimus, sed, Deo dante, Relatio nostra Actis jungetur, si modo licentia nobis fiat, quemquam, qui ea perferat, mittendi; si Relatio, & Acta diutius tardentur, scitote, hujus rei nullam aliam esse causam, quam quod non inamur ea mittere. Valet!*

Sæculum V.  
A.C. 431.

Acta postmodum Constantinopolim perlata fuere, verosimiliter per manus Episcoporum Theopempti, & Danielis, quos Constantinopoli fuisse legimus, & Comitis Irenæi diligentiam prævertisse.

Conc. Eph.  
p. 700. 717.

§. XLIV.

*Nestorii Relata ad Imperatorem.*

Prima post Sessionem Concilii die, nempe die Martis 23. Junii Comes Candidianus Ephesi Edictum promulgavit, quo contra ea, quæ præcedente die acta fuerant, protestatur, iterumque omnes Episcopos monet, adventum Joannis Antiocheni, aliorum Episcoporum venientium expectarent. Simul Relata ad aulam Cæsaream misit, sive ea ipsius Nestorii, vel illis conformia fuerint. Habemus hæc Relata Nestorii, ad Imperatorem directæ, in hunc modum: *Cum Pietas Tua nos Ephesum convocasset, sublata omni mora, illuc nos contulimus, & juxta tua mandata, Episcopos undique advenientes expectare volebamus, sed quia id displicebat Ægyptiis, suspicantibus, nos ex composito*

Baluz. Synod. c. 11.

Conc. Eph.  
p. 503.

*moras*

Sæculum V. *moras texere, promissimus, nos conventu-*  
A.C. 431. *ros, quodocunque Comiti Candidiano vi-*  
*sum fuisset. Ipse vero, sciens, Joannem*  
*Antiochenum comitesque suos haud procul*  
*abesse, aliosque ex Occidente advenire, om-*  
*nibus significavit, ut eorum adventum ex-*  
*spectarent. Nos, mandatis tuis obtempe-*  
*rantes, acquievimus; at Ægyptii, & Asia-*  
*ni, spretis legibus Ecclesiasticis, & Cæsa-*  
*reis, separatim convenerunt, & egerunt,*  
*quod fama ad Majestatis tuæ aures defe-*  
*ret. Immissis in forum suæ factionis mi-*  
*litibus, totam Civitatem perturbarunt;*  
*domos nostras circumcursantes, ultima no-*  
*bis minitabantur. Episcopus Memnon, Se-*  
*ditiosorum Caput, Ecclesias occluserat, ut*  
*nobis, persecutorum manus fugientibus,*  
*nequidem Asylum pateret; cæteris mag-*  
*nam Ecclesiam aperuit, omniaque ad eorum*  
*Sessionem parata habuit. Igitur rogamus*  
*te, & obtestamur, cum, tuo imperio obe-*  
*dientes, Epbesum venerimus, nec tam bar-*  
*baros insultus suspicari licuerit, ut nobis*  
*securitatem præstes, & jubeas, ut Conci-*  
*lium juxta Canones celebretur; nullus Cle-*  
*ricorum, aut Monachorum, seu ex nostris*  
*sint, vel ex Ægyptiis, ingrediatur, nullus*  
*etiam Episcoporum, qui advenerunt, non*  
*vocati, ad turbandum Concilium, admit-*  
*tatur; sed duo solum ex qualibet Provin-*  
*cia Episcopi cum suo Metropolitanis inter-*  
*sint, & rursus tales viri, qui in ejusmodi*  
*causis*

causis exercitati sunt; vel certe præcipias, Sæculum V.  
A.C. 431.  
ut tuto sub iuis præsidis ad nostra reme-  
emus, quippe inimici nostri jugulis nostris  
minantur.

Quod Nestorius peteret, duos Episco-  
pos cum Metropolitanano Synodo interesse,  
malam ejus fidem prodebat; nempe sub  
Patriarcha Alexandrino, pauci erant Me-  
tropolitæ. Huic epistolæ signum appo-  
suerant Nestorius, Fritilas Heracleensis,  
Helladius Tarsensis, Dexianus Seleucien-  
sis, Himerius Nicomediensis, Alexander  
Apamiensis, Eutherius Thyaneus, Basi-  
lius ex Thessalia, Maximus Anasarbensis,  
Alexander Hierapolitanus, Dorotheus  
Marcianopolitanus, numero undecim. In-  
terim Comes Candidianus Concilii Patri-  
bus suis militibus molestissimus erat; ne-  
cessarios commeatus intercludebat, ne vi-  
tæ subsidia acciperent; insultandi liberta-  
tem hominum faci, quæ cum Nestorio  
erat, non reprimebat, Coloni prædiorum  
ad Ecclesiam pertinentium, qui magno  
numero erant, Patres Concilii, conniven-  
te Nestorio, insolenter laceffebant.

Ubi Acta Depositionis Nestorii con-  
scripta fuere, ad Imperatorem unacum  
Epistola Synodali missa; omnia, sicut ge-  
sta erant, referebantur; additæ causæ,  
cur ob absentiam Orientalium res non  
potuerit differri, Nestorii contumacia,  
& reliqua. De Papa mentio fit in hæc

*Hist. Eccles. Tom. VI.*

I

ver-

- Sæculum V.** verba: *Laudavimus Sanctissimum Episcopum Romanum Cælestinum, qui ante nos*  
**A. C. 431.** *Dogmata Nestorii Hæretica condemnaverat, atque in eum Sententiam pronuntiaverat.* Epistolæ clausula hæc est: *Majestatem tuam rogamus, ut præcipiat; Nestorii Doctrinam ab Ecclesiis proscribi, Libros ejus, ubi ubi deprehendantur, comburi; si quis vero mandata hæc contempserit, Tuam indignationem incurrat.* Concilium ad Clericos etiam, & populum Constantinopolitanum aliam dedit Epistolam, qua eos de Nestorii Depositione, tanquam re ipsis gratissima, certiores faciunt. Hæc est illa Epistola, in qua Concilium S. Joannem, & Sanctam Virginem, quod æque Civitati Ephesinæ honori essent, conjungit. At ex alia epistola exploratum est, quod S. Joannis Sepulchrum in Ecclesia, ipsius Nomini dedicata, viseretur. (\*) S. Cyrillus eandem Nestorii Depositionem Clericis suis, populo suo Alexandrino, & Ægypti Monachis per epistolas
- p. 572.
- p. 573.
- p. 605.
- p. 576.

(\*) Hic Anonymus I. putat, Fleurium Assumptionem Beatissimæ Virginis negare. Hoc non ita liquet; cum rursus de Sepulchro Sancti Joannis, non item Sanctissimæ Virginis mentionem faciat. Si vero hæc est mens Fleurii, rejiciendus est, & S. Joanni Damasceno credendum, dicenti, Traditionem de Assumptione Matris Dei in Ecclesia suo ævo fuisse antiquam. *Orat. 2. de Dormit. Deip.*

stolas notam fecit. Interea non nunquam dixit ad populum; semel dicendi occasionem præbuere septem Episcopi, qui relictis Nestorii partibus Sacræ Synodo se junxerunt. Altera vice pro Concione dixit in Synaxi, seu Liturgia, quæ, ut verosimile, die Veneris 26. Junii, postquam Reginus, Episcopus ex Cypro, & quidam alii elocuti fuissent, celebrata. In his Sermonibus S. Cyrillus contra Nestorium fortiter declamavit.

## §. LXV.

*Joannes Antiochenus Ephesum venit.*

Quinto post Nestorii depositionem die, nempe Sabbato, 27. Junii, Joannes

Antiochenus Ephesum venit. Concilium, comperto ejus adventu, Episcopos, & Clericos obviam misit, tam ut honorem exhiberent, quam etiam ut monerent, ne Nestorio, a Sacra Synodo deposito, communicaret. Milites præsidarii, qui Joannem Antiochenum in itinere comitabantur, impedimento fuere, ne a Concilio Legati eidem colloqui possent in via, nihilominus usque ad Domum, in quam divertit, venientem secuti, aliquot horis, donec admitterentur, expectarunt; quo temporis spatio non modo in conspectum non admissi, sed etiam probris excepti sunt. Tandem Joannes Episcopus, missis ad eos militibus, ad se vocat. Postquam